

ARTETA-REN “EL NAUFRAGO”

Luis Mari Mujika

Susmoan artaldean
begiak alargun,
gogarte nahasietan
hitzak aitzur astun,
aitzurrak lurra behar
ta lurrik nahiko gun,
hondarzaren zapian
itotakoa ilun,
heriozko muinoan
are hotzak zimur
(itoaren begiek,
aih, dirudite hiztun),
margo gozoak garratz
Arteta-k ditu itzul,
okre ta hori idorrak
zenbat bortiztasun...

SALABERRI-REN “CORPUS-CHRISTI”

L.M.M.

Begiak hertsi, sudurrak
uzkur-susmogabe,
barne-zentzuak doluaz
sentipenen kate,
Salaberri handia da
linearen jabe,
hostiaren atzetikan
lezotarren talde
(zuek hainbateko fede
non aurki daiteke?),
misterioaren uhinak
otoitzeko ahalmen,
kolore beltza ta bortitzak
nahastuta joranez,
mantxa ilun-hotz guztien gain
feda garaile,
nabardura apaletanze
mistikaz paisaje...!